

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ  
ԲՈՂՈՔՆԵՐ ՔՆՆՈՂ ԱՆՁ**

**ՀԱՅՏԱՐԱՐՈՒԹՅՈՒՆ**

**ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ**

**Բողոքի ծածկագիրը և ամսաթիվը՝** ԳԲՔԱ-ԼՕ-2019/45, 25.06.2019թ.

**Բողոք բերող անձ՝** «Կենցաղային քիմիայի գործարան» ՍՊԸ

**Պատվիրատու՝** ՀՀ պաշտպանության նախարարություն

**Գնման ընթացակարգի ծածկագիրը՝** «ՀՀ ՊՆ ՆՏԱԴ-ԳՀԱՊՁԲ-7/25» ծածկագրով գնանշման հարցում

**Գնման առարկան՝** Յուղերի և հատուկ հեղուկների ձեռքբերում

**Բողոքի պահանջը՝**

1. Արգելել «ՀՀ ՊՆ ՆՏԱԴ-ԳՀԱՊՁԲ-7/25» ծածկագրով գնանշման հարցման ընթացակարգի թիվ 10-րդ և 11-րդ չափաբաժինների մասով պայմանագրի կնքումը «Հույս Մոտոր» ՍՊԸ-ի և «Մոսէսքո» ՍՊԸ-ի հետ,
2. Անվավեր ճանաչել «ՀՀ ՊՆ ՆՏԱԴ-ԳՀԱՊՁԲ-7/25» ծածկագրով գնանշման հարցման ընթացակարգի հանձնաժողովի 13.06.2019թ. թիվ 4 արձանագրությամբ կայացված որոշումը թիվ 10-րդ և 11-րդ չափաբաժինների մասով,
3. Պարտավորեցնել «ՀՀ ՊՆ ՆՏԱԴ-ԳՀԱՊՁԲ-7/25» ծածկագրով գնանշման հարցման ընթացակարգի հանձնաժողովին կայացնել «Կենցաղային քիմիայի գործարան» ՍՊԸ-ին ընթացակարգի թիվ 10-րդ և 11-րդ չափաբաժինների մասով որպես առաջին տեղը զբաղեցրած մասնակից ճանաչելու մասին որոշում,
4. Պարտավորեցնել «ՀՀ ՊՆ ՆՏԱԴ-ԳՀԱՊՁԲ-7/25» ծածկագրով գնանշման հարցման ընթացակարգի հանձնաժողովին կայացնել «Կենցաղային քիմիայի գործարան» ՍՊԸ-ի հետ ընթացակարգի թիվ 10-րդ և 11-րդ չափաբաժինների մասով պայմանագիր կնքելու մասին որոշում:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ**

**ՔԱՐՏՈՒՂԱՐ՝ Ռ. ՄԿՐՏՉՅԱՆ**

**Նիստերին կարելի է առցանց հետևել <https://www.e-gov.am/gnumner/> հղումով.**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:



**ԳՆՈՒՄՆԵՐԻ ԲՈՂՈՔԱՐԿՄԱՆ ԽՈՐՀՐԴԻՆ**

ք. Երևան, Մելիք-Աղամյան 1

**Բողոք բերող անձ**

«ՀՀ ՊՆ ՆՏԱԴ-ԳՀԱՊՁԲ-7/25»  
ծածկագրով ԳՀ ընթացակարգի մասնակից  
Կենցաղային քիմիայի գործարան ՍՊԸ  
ք.Երևան, Արշակունյաց 125/3

**Տնօրեն**

Արտյոմ Ներսեսի Ոսկանյան  
Ք.Երևան, Աիկոլ Դուման 50 ա

**Ներկայացուցիչ**

Հովհաննես Գրիգորի Հարությունյանից  
Փաստաբանական գործ. ատրոնագիր թիվ 2332  
նույնականացման քարտ 009987561, տրված 20.02.2018թ. 011 կողմից,  
հաշվառման հասցե՝ ՀՀ, ք. Երևան, Արեեստավորների 2 փող. տուն 8  
Ծանուցման հասցե՝ ք.Երևան, Նորք Մարաշ 2 փողոց, 2 կրթանցք, տուն 4/1, հարկ 3

099 64 86 55

**Պատվիրատու**

~~Plus 1~~ lawynouap@gmail.com  
Plus 1

ՀՀ պաշտպանության նախարարություն  
ք.Երևան, Բագրևանդի 5

**Բողոքարկվող գնման ընթացակարգի ծածկագիրը**

«ՀՀ ՊՆ ՆՏԱԴ-ԳՀԱՊՁԲ-7/25» ծածկագրով ԳՀ ընթացակարգ

**Բողոքարկվող գնման ընթացակարգի առարկան**

«ՀՀ ՊՆ ՆՏԱԴ-ԳՀԱՊՁԲ-7/25» ծածկագրով ԳՀ ընթացակարգի հանձնաժողովի  
13.06.2019թ. թիվ 4 արձանագրությամբ կայացված որոշումը 10-րդ և 11-րդ  
չափարաժիհների մասով

**Բանկի անվանումը և հաշվեհամարը, որին բողոքը  
բավարարվելու դեպքում պետք է հետ փոխանցվի վճարը**

h/h 1510030874920100

Բանկ՝ «ԱՐԱՐԱՏԲԱՆԿ» ԲԲԸ

**ԲՈՂՈՔ**

«ՀՀ ՊՆ ՆՏԱԴ-ԳՀԱՊՁԲ-7/25» ծածկագրով ԳՀ ընթացակարգի հանձնաժողովի  
13.06.2019թ. թիվ 4 արձանագրությամբ կայացված որոշումը 10-րդ և 11-րդ  
չափարաժիհների մասով որոշման դեմ

ԱՆՆԱՏԱԿԱՅՈՒ

1510030874920100 № Մ-28586-19

25.06.19

«Կենցաղային քիմիայի գործարան» ՍՊԸ-ն «ՀՀ ՊՆ ՆՏԱԴ-ԳՀԱՊԶԲ-7/25» ծածկագրով ԳՀ ընթացակարգի 10-րդ և 11-րդ չափաբաժինների մասով ճանաչվել է հաղթող և 04.06.2019թ. և անհրաժեշտ բոլոր փաստաթղթերը 04.06.2019թ. ուղարկել է ընթացակարգի քարտուղարի էլեկտրոնային փոստին /տես կից էկրանի արտատպումը/:

Բացի նամակի ուղարկումը 05.06.2019թ. և 06.06.2019թ. «Կենցաղային քիմիայի գործարան» ՍՊԸ-ն բազմաթիվ անգամ (7-8 անգամ) փորձել է կապ հաստատել ՀՀ ՊՆ ներքին հեռախոսահամարով, սակայն չի հաջողվել խոսել պատասխանատու անձանց հետ:

Հնարավորություն է ստեղծվել կապ հաստատել միայն 07.06.2019թ., երբ պատասխանատու անձը պարզաբանել է, որ իր հետ կապ հաստատելու հետ կապված խոչընդոտը եղել է իր «խառը լինելը» և պարզաբանել է, որ «Կենցաղային քիմիայի գործարան» ՍՊԸ-ի կողմից ուղարկված փաստաթղթերը չի ստացվել:

Մենք պատասխանատու չենք ՊՆ-ի կողմից մեզ տրամադրված էլեկտրոնային փոստի խափանման համար, մենք պատասխանատու ենք միայն պատշաճ ուղարկելու համար, ինչն էլ կատարել ենք:

Մինչդեռ «Կենցաղային քիմիայի գործարան» ՍՊԸ-ն բոլոր փաստաթղթերը կազմել է ճիշտ ժամանակին, ինչում կարող էք համոզվել նույնիսկ ստուգելով էլեկտրոնային ստորագրությունների ամսաթիվը, իսկ ժամանակին ուղարկված լինելը հավաստվում է էլեկտրոնային փոստից կատարված արտատպումով, որի համաձայն փաստաթղթերը ներկայացվել են 04.06.2019թ. ժամը 15:42-ին՝ այսինքն սահմանված վերջնաժամկետից 2 օր առաջ:

Հանձնաժողովը սուբյեկտիվ կերպով մերժել է «Կենցաղային քիմիայի գործարան» ՍՊԸ-ի գրավոր առարկությունը հիմնվելով բացառապես ՀՀ ՋՌԻ կապի վարչության 14.06.2019թ. Է/Փ էլք 1242/ԿՎ գրության վրա, որի համաձայն 2019թ. հունիսի 4-ից հունիսի 6-ը ընկած ժամանակահատվածում ՀՀ ՊՆ mail.mil.am սերվերում [bitxim.g@gmail.com](mailto:bitxim.g@gmail.com) էլեկտրոնային փոստի հասցեից [t.abrahamyan@mil.am](mailto:t.abrahamyan@mil.am) էլեկտրոնային փոստի հասցեին ուղղված նամակ չի ուղարկվել, այլ ուղարկվել է 07.06.2019թ.:

Մինչդեռ ՀՀ ՊՆ կողմից տրված տեղեկատվությունը սուբյեկտիվ է և չի համապատասխանում իրականությանը, քանի որ ՀՀ ՋՌԻ կապի վարչությունը չի կարող որոշել թե երբ է «Կենցաղային քիմիայի գործարան» ՍՊԸ-ն ուղարկել նամակը, այլ կարող է միայն ասել, թե ինքը երբ է ստացել այն. իսկ ոչ ստացված լինելը կամ չստացված լինելը կարող են կապված լինել հենց ՀՀ ՋՌԻ կապի վարչության մոտ առկա տեխնիկական խնդիրներով:

Տեխնիկական խնդիրը մեզ հետ կապված լինելը հնարավոր է ընդունեինք, եթե օգտագործած լինեինք ինչ-որ անհայտ փոստային ծառայություն, սակայն մենք օգտվում ենք ՀՀ-ում, եթե ոչ ամենատարածված ապա առնվազն տարածվածության և կիրառման ծավալներով երկու ամենահայտնի կապի օպերատորներից մեկից՝ mail.ru-ից, որից պաշտոնապես օգտվում է նաև ՀՀ ողջ դատական հարկադիր կատարման ծառայության համակարգը:

Այսպիսով այսքան մեծ վստահություն վայելող կապի ծառայության էջից կատարված արտատպումն ավելին քան բավարար էր «Կենցաղային քիմիայի գործարան» ՍՊԸ-ի փաստարկներին ավելի մեծ ուշադրություն դարձնելու և ապացույցների համակողմանիությամբ դրանք ճիշտ համարելու համար: Փաստարկը հիմնավորող լրացուցիչ ապացույց է նաև ստորագրությունները մեր վկայակոչած ժամկետում դրված լինելը, այսինքն, «Կենցաղային քիմիայի գործարան» ՍՊԸ-ի համար



որևէ լրացուցիչ ժամանակ անհրաժեշտ չէր ունեցած փաստաթղթերը լրամշակելու համար և փաթեթը պատրաստ է եղել և ուղարկվել է 04.06.2019թ.:

Եվս մեկ փաստարկ վկայում է ՀՀ ՊՆ-ում սուբյեկտիվ վերաբերմունքի և մեր իրավունքների խախտման մասին, դա խնդրի բացակայության մեջ հավաստիանալու համար կատարված բազմաթիվ զանգերն էին, որոնք կատարվել էին օրենքով սահմանված ժամկետում (հունիսի 4-ից 6-ը), այսինքն՝ քանի դեռ կար ժամկետ ներքին կապուղով որևէ մեկը մեր զանգերը չուղղորդեց պատասխանատու անձին, ով էլ մեզ կտեղեկացներ խնդրի մասին, իսկ ժամկետի ավարտի հաջորդ օրը արդեն պատասխանում են զանգերին՝ պոստ ֆակտում հայտնելով խնդրի մասին:

Վերջին նկարագրածս հանգամանքը սուբյեկտիվիզմի և «Կենցաղային քիմիայի գործարան» ՍՊԸ-ի նկատմամբ դրսևորած խտրական և անբարեհաճ վերաբերմունքի դրսևորում է, որի բուն պատճառները մեզ հայտնի չեն, սակայն հարկ է նկատել, որ հենց նման արհեստական սուբյեկտիվիզմի բացառման համար էլ գոյություն ունի նորմատիվ իրավական կարգավորում ՀՀ Կառավարության 04.05.2017թ. «Գնումների գործընթացի կազմակերպման կարգը հաստատելու և Հայաստանի Հանրապետության Կառավարության 2011 թվականի փետրվարի 10-ի N 168 Ն որոշումն ուժը կորցրած ճանաչելու մասին» թիվ 526-Ն որոշմամբ (այսուհետ՝ Կարգ):

Կարգի 43-րդ կետի 4-րդ ենթակետի համաձայն՝ հայտերի բացման նիստի ավարտից հետո ոչ ուշ քան հաջորդող աշխատանքային օրը հանձնաժողովի քարտուղարը՝ էլեկտրոնային փոստի միջոցով ծանուցում է առաջին տեղն զբաղեցրած մասնակցին՝ առաջարկելով ծանուցումն ուղարկվելու օրվանից երեք աշխատանքային օրվա ընթացքում էլեկտրոնային փոստի միջոցով ներկայացնել որակավորման չափանիշները հիմնավորող՝ հրավերով նախատեսված փաստաթղթերը:

Վերոշարադրյալ կետի պահանջը կատարվել է պատշաճ, քանի որ հայտերի բացման նիստի ավարտից հետո ոչ ուշ քան հաջորդող աշխատանքային օրը հանձնաժողովի քարտուղարը՝ էլեկտրոնային փոստի միջոցով ծանուցել է առաջին տեղն զբաղեցրած «Կենցաղային քիմիայի գործարան» ՍՊԸ-ին՝ առաջարկելով ծանուցումն ուղարկվելու օրվանից երեք աշխատանքային օրվա ընթացքում էլեկտրոնային փոստի միջոցով ներկայացնել որակավորման չափանիշները՝ հրավերով նախատեսված փաստաթղթերը:

Կարգի 47-րդ կետի համաձայն՝ Առաջին տեղն զբաղեցրած մասնակցի կողմից փաստաթղթեր չներկայացվելու անհամապատասխանությունն արձանագրվելու դեպքում հանձնաժողովի քարտուղարը նույն օրն էլեկտրոնային եղանակով ծանուցում է առաջին տեղն զբաղեցրած մասնակցին՝ առաջարկելով երեք աշխատանքային օրվա ընթացքում շտկել անհամապատասխանությունը:

Վերոշարադրյալ կետի պահանջն առհասարակ չի կատարվել, քանի որ անհամապատասխանությունն արձանագրվելուց հետո հանձնաժողովի քարտուղարը նույն օրն էլեկտրոնային եղանակով չի ծանուցել առաջին տեղն զբաղեցրած մասնակցից «Կենցաղային քիմիայի գործարան» ՍՊԸ-ին՝ առաջարկելով վերջինիս երեք աշխատանքային օրվա ընթացքում շտկել անհամապատասխանությունը, ավելին հենց իրենք են իրենց 13.06.2019թ. արձանագրությունում նշել, որ 07.06.2019թ. ստացել են փաստաթղթերը, այսինքն նույնիսկ կարգի 43-րդ կետի 4-րդ ենթակետով նախատեսված ժամկետի ավարտին հաջորդող աշխատանքային օրը՝ 07.06.2019թ., անհամապատասխանությունը հայտնաբերելու դեպքում, քարտուղարը պարտավոր էր առաջարկել երեք աշխատանքային օրվա ընթացքում շտկել անհամապատասխանությունը, այսինքն

Հունիսի 08-ը և 09-ը ոչ աշխատանքային լինելու պայմաններում՝ ընդհուպ մինչև 12.06.2019թ. «Կենցաղային քիմիայի գործարան» ՍՊԸ-ն ունեցել է անհամապատասխանությունը շտկելու ժամկետ, այնինչ հենց հանձնաժողովն է փաստել, որ ՀՀ ՊՆ mail.mil.am սերվերում [bitxim.g@gmail.com](mailto:bitxim.g@gmail.com) էլեկտրոնային փոստի հասցեից [t.abrahamyan@mil.am](mailto:t.abrahamyan@mil.am) էլեկտրոնային փոստի հասցեին նամակն ուղարկվել է 07.06.2019թ.:

Տվյալ դեպքում քարտուղարի և հանձնաժողովի կողմից թույլ է տրվել կրկնակի խախտում, քանի որ վերջիններս ոչ միայն իրենք ժամանակին չեն տեղեկացրել անհամապատասխանության մասին և առաջարկել երեք աշխատանքային օրվա ընթացքում շտկել անհամապատասխանությունը, այլ նաև պատասխանատու անձնական գրադվածության պատճառով չեն միացրել բազմաթիվ հեռախոսազանգերը, որոնց միջոցով բարեխիղճ տնտեսվարողը փորձել է համոզվել խնդրի բացակայության մեջ:

Այսպիսով, ունենք երկու պնդում, որոնք հավաստվում են համապատասխան ապացույցներով և համապատասխանաբար հսկառակը հերքող ապացույցների բացակայությամբ, այն է՝

- «Կենցաղային քիմիայի գործարան» ՍՊԸ-ն անհրաժեշտ փաստաթղթերը ներկայացրել է ժամանակին, ինչը հավաստվում է [mail.ru](mailto:mail.ru) էլեկտրոնային փոստի օպերատորի էջից կատարված արտատպումով և փաստաթղթերի վրա առկա էլեկտրոնային ստորագրությունների ամսաթվով:

- Եթե նույնիսկ մեզ անհասկանալի պատճառով հերքվի ժամանակին փաստաթղթերը ներկայացված չլինելու հանգամանքը, ապա մինևույնս է բացակայում է երեք աշխատանքային օրվա ընթացքում անհամապատասխանությունը շտկելու վերաբերյալ գրավոր առաջարկը, ուստի առկա է հանձնաժողովի քարտուղարի կողմից թույլ տրված խախտում, որը հաշվի չի առել հանձնաժողովը:

Վերը նշաձս հիմքերն ու հիմնավորումները բավարար են՝

1. «ՀՀ ՊՆ ՆՏԱԴ-ԳՀԱՊՁԲ-7/25» ծածկագրով ԳՀ ընթացակարգի 10-րդ և 11-րդ չափաբաժինների մասով գծով «Հույս Մոտոր» ՍՊԸ-ի և «Մոսեսքո» ՍՊԸ-ի հետ պայմանագրի կնքումն արգելելու,

2. «ՀՀ ՊՆ ՆՏԱԴ-ԳՀԱՊՁԲ-7/25» ծածկագրով ԳՀ ընթացակարգի հանձնաժողովի 13.06.2019թ. թիվ 4 արձանագրությամբ կայացված որոշումը 10-րդ և 11-րդ չափաբաժինների մասով անվավեր ճանաչելու,

3. «ՀՀ ՊՆ ՆՏԱԴ-ԳՀԱՊՁԲ-7/25» ծածկագրով ԳՀ ընթացակարգի հանձնաժողովի կողմից Կենցաղային քիմիայի գործարան ՍՊԸ-ին ՀՀ ՊՆ ՆՏԱԴ-ԳՀԱՊՁԲ-7/25 ԳՀ ընթացակարգի 10-րդ և 11-րդ չափաբաժինների մասով որպես առաջին տեղը գրադեցրած մասնակից ճանաչելու մասին որոշում կայացնել պարտավորեցնելու և

4. «ՀՀ ՊՆ ՆՏԱԴ-ԳՀԱՊՁԲ-7/25» ծածկագրով ԳՀ ընթացակարգի հանձնաժողովի կողմից Կենցաղային քիմիայի գործարան ՍՊԸ-ի հետ ՀՀ ՊՆ ՆՏԱԴ-ԳՀԱՊՁԲ-7/25 ԳՀ ընթացակարգի 10-րդ և 11-րդ չափաբաժինների գծով պայմանագիր կնքելու մասին որոշում կայացնելուն պարտավորեցնելու համար:

Մատնանշվածս հանգամանքների հիմքով



*ԽՆԴՐՈՒՄ ԵՄ*

1. Արգելել «ՀՀ ՊՆ ՆՏԱԴ-ԳՀԱՊՁԲ-7/25» ծածկագրով ԳՀ ընթացակարգի 10-րդ և 11-րդ չափաբաժինների մասով գծով պայմանագրի կնքումը «Հույս Մոտոր» ՍՊԸ-ի և «Մոսէսթո» ՍՊԸ-ի հետ:

2. անվավեր ճանաչել «ՀՀ ՊՆ ՆՏԱԴ-ԳՀԱՊՁԲ-7/25» ծածկագրով ԳՀ ընթացակարգի հանձնաժողովի 13.06.2019թ. թիվ 4 արձանագրությամբ կայացված որոշումը 10-րդ և 11-րդ չափաբաժինների մասով:

3. Պարտավորեցնել «ՀՀ ՊՆ ՆՏԱԴ-ԳՀԱՊՁԲ-7/25» ծածկագրով ԳՀ ընթացակարգի հանձնաժողովին կայացնել Կենցաղային քիմիայի գործարան ՍՊԸ-ին ՀՀ ՊՆ ՆՏԱԴ-ԳՀԱՊՁԲ-7/25 ԳՀ ընթացակարգի 10-րդ և 11-րդ չափաբաժինների մասով որպես առաջին տեղը զբաղեցրած մասնակից ճանաչելու մասին որոշում:

4. Պարտավորեցնել «ՀՀ ՊՆ ՆՏԱԴ-ԳՀԱՊՁԲ-7/25» ծածկագրով ԳՀ ընթացակարգի հանձնաժողովին կայացնել Կենցաղային քիմիայի գործարան ՍՊԸ-ի հետ ՀՀ ՊՆ ՆՏԱԴ-ԳՀԱՊՁԲ-7/25 ԳՀ ընթացակարգի 10-րդ և 11-րդ չափաբաժինների գծով պայմանագիր կնքելու մասին որոշում:

*Կից ներկայացնում եմ*

1. բողոքի վճարը վճարված լինելը հավաստող փաստաթուղթը.
2. Նույնականացմանն քարտիս պատճենը.
3. Ինձ տրված լիազորագիրը.
4. Փաստաբանական գործունեության արտոնագրի պատճենը.
5. Mail.ru կայքից կատարված արտատպման պատճենը.

ԲՈՂՈՔ ԲԵՐՈՂ ԱՆՁ  
«ԿԵՆՑԱՂԱՅԻՆ ՔԻՄԻԱՅԻ  
ԳՈՐԾԱՐԱՆ» ՍՊԸ-Ի ՆԵՐԿԱՅԱՅՈՒՑԻՉ

Հ.ՀԱՐՈՒԹՅՈՒՆՅԱՆ  
25.06.2019թ.